

秋
瘟
證
治
要
略

午 11
7

次 目

緒 言

- | | |
|-----|---------|
| 第一章 | 秋瘟之定名 |
| 第二章 | 秋瘟之病原 |
| 第三章 | 秋瘟之病理 |
| 第四章 | 秋瘟之診斷 |
| 第五章 | 秋瘟之證治 |
| 第六章 | 秋瘟現證之鑑別 |
| 第七章 | 秋瘟之預防法 |



曹炳章先生編述醫藥叢書刊行總目

書名	著作者	冊數	定價 折加 郵七	出版發行處所
鴉片癮戒除法	曹炳章撰	二冊	三角	紹興和濟藥局
喉痧證治要略	同上	一冊	一角	同上
秋瘟證治要略	同上	一冊	一角五分	同上
瘟痧證治要略	同上	二冊	再版未印	同上
痰症膏丸說明	同上	一冊	大洋二角	同上
增訂偽藥條辨	鄭肖巖著 曹炳章註	二冊	六角	同上
規定藥品之商榷	曹炳章著	二冊	再版未印	同上
醫界新智囊	同上	一冊	再版未印	同上
藥學報彙編	同上	一冊	二角	同上
彩圖辨舌指南	同上	六冊	二元五角	紹興育新書局
潛齋醫學叢書 四十種	王士雄校著 曹炳章校	六冊	二元五角	同上
增訂醫醫病書	吳鞠通著 曹炳章註	二冊	六角	同上
臨證醫案筆記	吳渭泉校著 曹炳章校	六冊	一元六角	同上

紹興大興街和濟藥局總發行

南京中醫藥大學圖書館版權所有
1961

秋瘟證治要略序

有濟人之心而無濟人之術則其心勞有濟人之術而無濟人之心則其術亦晦古人云不爲良相當爲良醫醫比於相醫誠濟人之要術也顧今之爲醫者非必深究乎寒暑陰陽之辨也非必精審乎表裏虛實之分也無疾痛切身之誠輕心嘗試幸而中則詡詡自負爲良醫不然則偏於攻而元氣傷矣不然則偏於補而餘邪伏矣又不然則據其一二經驗方秘爲己有不輕以示人是其操術未必能精而用心又不能公且溥於世何賴焉赤電曹君則不然曹君醫藥學識富有經驗本仁術以行仁心隨在見其實踐現任紹興和濟藥局總理凡關藥品傳訛悉心訂正古今膏丸諸方爲之選定精製宜乎功效卓著遐邇信用也其所撰著痰症膏丸說明書規定藥品之商榷喉痧証治要略瘟痧證治要略鴉片烟戒除法醫界新智囊增訂醫醫病書辨舌指南僞藥條辨校勘潛齋醫學叢書重校三世醫驗廣筆記慎齋醫書等



書久爲識者欣賞。曹君之裨益社會。嘉會後學。實匪淺鮮。今秋時疫流行。十家九病。病家非失之遲。即誤於藥。死亡枕藉。慄慄危懼。究其故。由於人士不講。未病衛生。醫家不知。公同研究。所致言念及此。深爲浩歎。故疾之一端。宣尼所最慎。俞氏蘭園著廢醫一篇。發爲憤論也。今曹君闡明病理。不秘實驗治法。著有秋瘟證治要略。登諸越鐸日報。以餉閱者。則其至公至仁。於此可見一斑。試思鼠疫一症。中國醫書夙無此名。當初發現於粵閩等埠。苦無治法。清代光緒十七年間。羅君芝園始從醫林改錯。得解毒活血湯一方。移治此症。救活千萬餘人。爰著爲鼠疫彙編。厥後鼠疫發生。照法施治。無不奏效。近來名醫研究進步。著有鼠疫約編。鼠疫抉微。訂正鼠疫良方。由是益臻完備。今年秋瘟蔓延。無家不染。既苦良醫難覓。又歎良方難得。束手無策。坐以待斃。雖有時醫宣布驗方。不過治病初起。而其所定方藥。亦未盡善。至於好善之人。良方刊送。固出仁者用心。而處方不合時病。尤爲利害參半。目擊情形。心爲之

傷曹君爲本會名譽贊成員。同抱利人主義。特著秋瘟證治要略一書。分列定名病原。病理。診斷。證治。現證之鑑別。瘟症之預防法。至精至詳。是書刊傳。醫家依爲指南。針病家如獲救命圈。豈不善哉。豈不善哉。是則曹君之著此書。可與羅君之著鼠疫彙編。功垂不朽矣。鄙人因越報登載。流傳不廣。爰印成單行本。以供留神醫藥注重衛生者之需求。凡得是書者。會而通之。推而廣之。亦可兼治春之風溫。及春溫。夏之暑風。及暑溫。秋之秋燥。及伏暑。惟加減變化。仍在人之心靈。神慧閱者。果能辨症的確。而又善於化裁。自可一以貫之也。今予信手作序。固知體裁不合。而慨念世人。不重衛生。每以醫藥書報。悉置腦後。一罹瘟病。不知不覺。死於庸醫之手者。比比皆是。故不禁有懷欲白。感慨言之。并以勸告同胞。亟宜留神醫藥。以保生命。云爾。

中華民國七年冬節

餘姚徐有成友承氏序於甯波中華衛生公會

秋瘟證治要略目錄

緒言

第一章 秋瘟之定名

第二章 秋瘟之病原

第三章 秋瘟之病理

第四章 秋瘟之診斷

第五章 秋瘟之證治

第六章 秋瘟現證之鑑別

第七章 秋瘟之豫防法



南京中醫藥大學圖書館版權所有

再秋瘟證治要略

鄞縣 曹赤電炳章氏撰述

餘姚 徐有成友丞氏校刊

緒言

今秋時疫之發見。由甬而流至紹。初覺頭痛。周身發熱。繼則頭暈不舉。不能言語。口噤足冷。下利赤水。旋即不起。自起病至死亡。速則二三句鐘。緩則一二日者。此多吸受瘴氣。爲傳染病之屬於急性者也。亦有初起。頭痛發熱。鼻衄咳嗽。胸悶便閉。若即用辛涼輕解。三四日即愈。此新感涼燥。內伏暑熱。爲傳染病之屬於慢性者也。嘗閱滬紹各報。如京綏鐵路一帶。蘇屬之鎮江揚州。安徽之鳳台。湖北之省城及各省。皆發見同樣之流行病。考其病狀。皆與吾紹所發見者相同。鄂督王占元。有見於斯。特請中西醫研究病狀療法。據中西醫僉稱是疫曰秋瘟。（見十月二十四日申報）謂由美國傳染到此。流布既廣。死亡亦多。考此類流行病。實最初發生於西班牙。今且蔓延全球。美醫遂名西班牙流行病。據芝加哥美國醫學會月報云。西班牙流行病。近來大肆其威。歐洲各部分。無論文野。皆不獲免。據日本東京消息。日本各處。近來盛行是病其劇烈之

處。學校停科。各種工業。皆受窒礙。據外交省所接各處領事報告此病。已傳播全球。如孟買處。自十月初至月杪。死者逾七百餘人。當道設法。消除此患。未獲效果云。其證狀。畏寒頭痛。肢痠。面赤。喉梗。身熱在一百另一度至另四度之間。兩三日後。則咳嗽。甚至挾有氣管支炎。與肺炎等狀。實與流行中國者無異。考其現狀。察其受病原因。確爲復氣秋燥。燥熱化火。病所。在上焦心肺部分。用藥。宜辛涼清宣。若誤用溫散升發。及過涼抑遏。或妄用攻下。誅伐無過之地。以致由輕轉重。由重而死。閱越鐸及民報近日所披露之諸家鴻論。或呈意見。或待商榷。或曰說明。各表發明。原可爲切磋琢磨。研究治疫之資料。不可作療疫之法例。此何故耶。緣今秋之疫。屬燥屬熱。用藥宜涼宜透。其法當從周澹然溫熱指歸。朱瑞生瘟病集腋。余師愚疫證一得。陳祖恭溫病指南集。王士雄溫熱經緯。吳鞠通溫病條辨等書。方爲正軌。務須悉心參攷。變通化裁。在於心靈意會。切勿宗吳又可之瘟疫論。及寒溫條辨。仲景傷寒論。蓋吳氏以治濕疫。傷寒以治冬傷於寒之正傷寒。故二書用藥。皆守溫燥升散。蓋彼疫。非今年之疫也。況其中。治已化燥熱者。亦有涼潤之法。大抵前賢著書。原爲救當時之偏。假如治濕疫之書已多。今年適患熱疫時。著熱疫之書。以補其不備。倘如明年春夏多雨。夏患濕疫。則吳又可之法。猶可採用。

。今年治疫之書。猶不適用也。如越鐸載谷陸二君之論。偏從溫散。如桂枝升柴葱薑芎蘇枳枳之類。一宗吳氏又可。一宗張氏仲景。雖然。學有本源。而其證狀不同何。余目觀誤用溫燥而死者。實指不勝屈。若誤用涼遏過早。如白虎湯。犀角地黃湯等。證狀未具。苟誤用之。其禍亦與用溫燥等。余閱諸君鴻論。繹其意旨。究其方法。似與近日流行病。多不符合。炳章從前及發見。預先探訊病狀。闡明病源病理。研究治法。迨至越城發見。卽以預究各法。一一徵諸實驗。初起由余診治。故無一不起。調查其死亡者。或因初起不卽就醫。或因悞投藥物。二者。各得其半。炳章目擊心傷。不厭繁瑣。爰將治驗各法。分列定名。病原。病理。診斷。證治。現症之鑑別。預防等法。分章別類。臚列於左。以質諸高明。

第一章 秋瘟之定名

歲干戊午。爲陽明燥金在泉。初秋、亢旱酷暑。熱伏於內。深秋、暴涼驟感。燥傷本臟。蓋燥病起於秋分以後。小雪以前。因陽明燥金涼氣司令。吳鞠通云。秋燥之氣。輕則爲燥。復氣爲火。葉天士云。伏暑內發。新涼外加。秦皇士云。燥熱疫邪。肺胃先受。故時行熱病。常見有唇焦消渴者。蓋暑卽熱也。燥卽火也。王士雄云。秋燥二字。皆從火者。以秋承夏後。火之餘燄未息也。

。沈堯封云。燥萬物者。莫熯乎火。故火末有不燥。而燥末有不從火來。溫熱論火。所以論燥也。病因秋燥新感。溫暑內發。故鄂醫命名秋瘟。瘟卽溫也。爲熱之始。故余亦承之也。

第二章 秋瘟之病原

考今年之秋瘟發生。有關於天令空氣蘊釀者。有從起居飲食不潔者。今年干支戊午。燥金在泉。夏大暑至立秋亢旱。反令涼燥。秋後乾旱。河枯井涸。烈日酷暑。直至白露。天仍不雨。空氣乾燥。而又悶熱。貧苦之人。日在炎天烈日之下工作。常赤身躍入晒熱之濁水河濱中。浸洗受毒。夜間車水。或臥於露天。夏則應熱反涼。秋則應涼反熱。此所謂太過不及。失時反常。人在氣交之中。暑爲相火令行。自口齒吸入。伏於包絡。苟秋後天度低降淫雨。則伏熱亦卽發泄。不致釀疫。奈天令亢旱。直至秋盡。皆由涼風無雨而轉寒。且有時驟寒驟熱。以致暑熱愈伏愈深。其伏之深者。所以發之暴。更因天燥無雨。飲穢濁河水。及池潦停蓄污水。或由飲食不潔。因而受疫。所以貧民之死亡者爲多數。亦有因患疫病人之衣袴屎穢之物。洗於河中。再經旁人淘米洗菜。因而傳染者亦不少。凡患疫之後。又有蚊蠅之傳染。亦是蔓延之原因。此皆關於天令反常。公衆衛生不守。個人衛生失調。互相厲階。所以釀成瘟疫。流行偏地。現在天令漸冷。甘雨已降。河

中濁水。將可流通。街道糞缸。遷移隱曲之地。蚊蠅漸少。總總傳染之媒介既去。疫病亦或因此稀少矣。

第三章 秋瘟之病理

秋瘟者，即夏暑伏裏。秋溫傷表。各傷本臟。周克庵。名曰暑風。即藏疫癘於內。章虛谷曰。

人受之。則爲暑風。一方受之。則爲疫癘。張石頑曰。時疫之邪。皆從濕土鬱蒸而發。平時污穢之邪。隨空氣日光蒸騰。無異瘴霧之毒。人觸之。皆從口鼻吸入。俞樾齋云。清邪中上。從鼻而入於陽。濁邪中下。從口而入於陰。在陽則發熱頭痛。項強筋攣。在陰則足膝逆冷。便溺妄出。章虛谷云。暑燥爲天氣。係清邪。風寒爲地氣。係濁邪。故中暑燥之清邪。是秋深初傷涼燥。適值夏月發泄之後。暑從上受。燥從上傷。均是肺氣受病。若誤認風寒。亂投溫散。刮津轉燥。喘急告危。當辛涼甘潤之品。燥氣自平而愈。慎勿用苦燥劫燄胃汁。蓋暑邪伏內。溫燥感外。皆在上焦。皆爲熱邪。此辨病理之要旨。更當參合前章之病原。則治理益明矣。

第四章 秋瘟之診斷

瘟疫能決吉凶死生者。必須從診斷學上判定之。我中醫之診斷。惟察痰涎便尿。因缺顯微鏡。無

從檢查。亦一缺點如審體質。辨唇舌。察脈象。驗便溺。亦能決其死生。茲將各法。歷舉如左。

(一) 審體質

瘟疫病之與體質。有肥瘦之關係。強弱之關係。肥瘦關係者在平時。陽虛

多濕痰。陰虛則多內火。如面白陽虛之人。其體豐者。本多痰濕。吸受濕熱。亦必黏滯難解。須通陽氣以化濕。若遇涼則濕閉。而陽更困矣。若面蒼陰虛之人。其形瘦者。內火易動。濕從熱化。反傷津液。若從陽虛治法。正相反也。救陰在資津液。通陽在利小便。此不可不知也。

強弱關係者 強者邪不易侵。弱者邪易受。氣強者。受邪淺。病易愈。氣弱者。受邪深。病難愈。吳鞠通曰。長夏盛暑。氣壯者。邪不受也。稍弱者。但頭暈片刻。或半日而已。次則發病。其不急病。而內舍於骨髓。外舍於分肉之間者。氣虛者也。蓋氣不能傳送暑邪外出。其邪必待秋涼。金氣相搏而後出。故伏暑之病發也。其有氣虛甚者。雖金風亦不能擊之使出。必待深秋大涼。初冬微寒。相逼而出。故爲尤重也。此體質肥瘦。氣體壯弱。與瘟疫皆有密切之關係者也。故特辨之。

(二) 辨唇舌

唇者。脾之華也。疫病口唇。焦紫青腫。火炎土燥也。俱屬熱毒。困於中焦。宜白虎湯。或甘露消毒飲。加連翹川連花粉。若紫絳且裂。或唇腫齒黑。口臭異常。皆險象也。

舌者、心之苗也。胃腸有病。無不顯現於舌。故舌質絳淡。以辨伏熱之重輕。舌苔厚薄。以判外感之多少。如秋瘟一證。伏熱在內。涼燥感外。其初病時。舌質淡紅。尖獨紅絳。中根苔色白滑。若用辛涼輕透之劑。數帖。則涼燥之邪。先後外解。而舌反轉純絳之色。此表邪已解。伏熱外達。爲自裏出表之兆。即用清泄營熱。如鮮地、連翹、白薇、蒿梗、等味。數帖。絳色卽退。病亦遂愈。此爲無形暑熱內伏之辨舌也。若暑夾痰溼。深伏於內者。初起往往舌無苔垢。兼察其脈軟。或弦或微數。口不渴而心煩惡熱。宜卽投清解營陰之藥。迨邪出血分。由氣分而化。苔始漸平。然後再清其氣分。其伏邪重者。初起卽舌絳咽乾。甚則有肢冷脈伏之象。(若遇庸醫。必用四逆。則命危矣。)急宜大清陰分伏邪。繼必厚膩黃濁之苔漸生。

此辨舌察伏邪與新邪先後之不同處。更有邪伏過深。不能一齊外出者。雖治之得法。而苔退舌淡之後。踰一二日。舌復乾絳。苔復黃燥。正如抽蕉剝繭。層出不窮。不比外感溫邪。由衛及氣。自營而血也。此皆辨伏熱爲疫之舌也。亦有初起。伏熱本淺。或因誤用溫

散傷津。熱陷傳營。舌色亦必轉絳。有絳中兼黃白者。此氣分熱邪未盡也。宜泄衛透營。純絳鮮色者。包絡受邪也。宜犀角鮮地鬱金鮮菖蒲之類。若平素心虛有痰。外熱一陷。裏急就閉。

須用紫雪丹至寶丹之類。以開其閉。此章氏虛谷辨伏氣之舌以上辨說。由予經驗閱歷而參證之。幸勿輕視。

(三)察脈象

余師愚曰。疫氣之脈多數。如浮大而數者。其熱毒已發揚。一經涼散。病自霍然。沉細而數者。其毒已深。大劑清解。猶可撲滅。至於若隱若見或全現。其毒重矣。此脈初起者間有。有七八日者頗多。何也。醫者初認爲寒。重用發表。先傷其陽。表而不散。繼之以下。再傷其陰。不知疫熱。乃無形之毒。病形雖似大熱。脈象細數無力。所謂壯火食氣也。而以硝黃下之。猛烈熱毒。焉有不乘虛而深入耶。怯弱之人。不爲陽脫。卽爲陰脫。氣血稍能駕馭者。亦必脈轉沈伏。其外証或四肢厥冷。神昏譫語。或鬱冒直視。或遺溺滂流。甚至舌卷囊縮。循衣摸床。種種惡候。若誤認陰症。妄投參桂。死如服毒。偏身青紫。口鼻流血而死。不可不知也。

(四)驗便溺

秋瘟初起。大便多不通。因熱毒冲肺。腕悶氣粗。亟宜宣肺清降。日久熱甚。因毒火煎熬。大腸枯燥不潤。宜增液潤燥。宣布肺氣。或外用蜜煎導法。如舌絳者。宜清下兼施。舌有苔垢。宜疏下並用。此論秋瘟證之便閉也。

亦有毒火下泄。而成自利者。凡傷寒之太陰自利。則腹不滿。秋瘟之自利。胸悶腹滿。爲熱逼津液。下注大腸。下紅色清水者重。傾腸直注。日下數十次者危。此邪熱不勝穀。非脾虛也。其外症身必大熱。氣必粗壯。頭汗大渴。唇必焦紫。腹痛不已。小溲短數。甚則四肢厥逆。急宜清化。毋得滲利。此證已危。用藥再誤。必不救矣。若自利。神仍昏。脈沈鬱。身不大熱。是火甚正虛而瀉。爲險候也。若下澇醬宿垢。如蛋白汁者輕。若熱毒已退。便澇不止。是脾肺氣虛。宜保肺理脾。亦不可用溫燥之品。亦有熱不自持遺溺者。其人必昏沉囈語。遺不自知。亦有因熱毒下陷逼腎。引動相火。男子遺精。自己不知。婦女帶下。綿綿不斷者。清解疫毒之中。必須兼加連柏。以堅陰清相火。余目覩數人。醫者亦當知之。

第五章 秋瘟之證治

凡諸邪傷人。風爲領袖。能隨氣變化。如天令寒冷。風從寒化。而成傷寒。溫暖則風從熱化。涼燥則風從燥化。暑爲天氣之火。風燥爲火之母。故燥火未有不剋金。蓋秋瘟爲暑熱內伏。涼燥外傷。始則皆從上受。雖伏熱在營。而新邪尚在衛分。仍可引熱外解。若邪不外解。又不下行。必致內陷營分。襲入包絡。爲逆傳也。蓋肺衛與心營相通。此係肺熱侵逼包絡。未嘗竟入營分也。

。總之邪由上焦氣分。下行中下二焦爲順。邪入營分。內陷心包爲逆。故用藥當以降泄開逐。非升提溫散所宜。俗醫輒云。防其內陷。妄用升提。不知內陷。乃邪入營分。非真氣下陷可比。章氏云。治上焦燥熱之病。藥重則過病所。吳茱山云。氣有熱。當辛涼輕劑。吳鞠通云。治上焦如羽。非輕不舉。又云。肺爲輕虛之臟。微苦則降。辛涼則平。此皆治上焦燥熱之要訣也。余謂大要治法。當分衛氣營血。如初起發熱惡寒。邪在衛分。汗之可也。宜辛涼輕解。如桑菊飲、銀翹散、翹荷湯等。最妙。若不惡寒而惡熱。小便色黃。已入氣分。纔宜清氣熱。然清氣熱。不可寒涼過滯。反令邪不外達而內閉。若脈數舌絳。邪在營分。猶可透熱轉氣。如犀羚元參等物。若舌深絳。煩燥不寐。譫語。已入血分。直須涼血散血。如鮮地丹皮赤芍紫草之屬。此亦治法之提綱要領也。其餘如逆傳與順傳。及誤溫誤下之各證狀。及各治法。條分排列於后。

(一) 太陰秋瘟。洒洒惡寒。蒸蒸發熱。舌白膩。邊尖紅。咽或痛或不痛。首用辛涼清解飲主之。

辛涼清解飲

連翹壳二錢。蘇薄荷錢半。淡豆豉錢半。牛蒡子三錢。蟬衣錢半。苦

杏仁三錢。金銀花二錢。苦桔梗六分。淡竹葉十片。胸悶加括萎皮廣鬱金各錢

半。喉痛加元參三錢。馬勃一錢。鼻衄加鮮茅根十支。焦山梔三錢。按桔梗少用。開肺泄熱最佳。多用則載藥上行。反增胸悶。不可不知。二、太陰秋瘟。服前劑後。外邪已減。伏熱外達。但熱不寒。咳嗽痰涎稠膩。喉微痛。目赤多眵。舌絳無垢。煩渴胸悶。寐則自語。醒則神清。此係伏熱外達。非熱邪內陷。辛透雙解。飲主之。

此證狀類似犀角地黃。及白虎湯證。不知肺衛與心營甚近。此因肺熱侵逼包絡。非熱邪深陷營分。以神醒不昏昧辨之。若遽與犀角地黃。無異開門揖盜。或已昏蒙竅閉。人事不清。西羚並半黃清心。紫雪至寶。亦不在禁例。隨證酌用可也。至白虎證。必須見脉洪大。自汗口渴。舌黃滑。可以服之。倘用不合法。恐肺經之邪無出路。以致下迫大腸而爲下痢也。總之此證。留戀手太陰者居多。故用藥宜清宣解。不可用苦溫苦寒沉降之品。誅伐中下二焦無過之地。不可不知也。